



Broj:09/1-14-008998-1/12
Tuzla, 17.05.2012.godine

Na osnovu člana 24. Zakona o raseljenim osobama i povratnicima u Tuzlanski kanton i izbjeglicama iz Bosne i Hercegovine ("Službene novine Tuzlanskog kantona", broj: 2/06 i 15/11), tačke II, alineja 3 stav 2 i 3 Odluke Vlade Tuzlanskog kantona o utvrđivanju programa, uslova, kriterija i postupaka za raspodjelu sredstava Budžeta Tuzlanskog kantona za 2012. godinu sa pozicije 23040001 – "Podrška povratku prognanih lica" broj 02/1- 14-7008-1/12 od 19.04.2012. godine i Odluke o utvrđivanju rasporednog naloga sredstava za donacije građevinskog materijala za stambene i gospodarske objekte u općinama Tuzlanskog kantona i opštinama Republike Srpske broj 09/1-14-8998/12 od 15.05.2012. godine, Ministarstvo za rad, socijalnu politiku i povratak Tuzlanskog kantona objavljuje

J A V N I P O Z I V

za prikupljanje prijava/zahtjeva za dodjelu donacija u građevinskom materijalu u 2012. godini povratnicima, izbjeglim i raseljenim licima na području općina/opština Tuzlanskog kantona i Republike Srpske

Ministarstvo za rad, socijalnu politiku i povratak Tuzlanskog kantona u 2012. godini provodi program podrške povratku na područje općina/opština Tuzlanskog kantona i općina/opština Republike Srpske koje gravitiraju Tuzlanskom kantonu i to: Zvornik, Osmaci, Srebrenica, Bratunac, Vlasenica, Milići, Lopare, Modriča, Vukosavlje, Doboj, Ugljevik, Šekovići i Bijeljina, koji se odnosi na dodjelu paketa građevinskog materijala kao učešće u izgradnji potpuno uništenih i djelimično oštećenih stambenih objekata, kao i izgradnju gospodarskih objekata.

U toku 2012. godine Ministarstvo za rad, socijalnu politiku i povratak će dodijeliti:

I. GRAĐEVINSKE PAKETE ZA STAMBENE JEDINICE (povratnicima, izbjeglim i raseljenim licima):

1. Kao učešće u sanaciji stambenih objekata u pojedinačnoj vrijednosti do **8.000,00 KM** po jednoj stambenoj jedinici u sljedećim općinama/opštinama:

a) za područje Tuzlanskog kantona 28 građevinskih paketa: Banovići 2 ;Čelić 2; Doboj-Istok 1; Gračanica 1; Gradačac 2; Kalesija 3; Kladanj 1; Lukavac 4; Sapna 2; Srebrenik 2; Teočak 1; Tuzla 5; Živinice 2; i

b) za područje Republike Srpske 29 građevinskih paketa: Bijeljina 3; Bratunac 3; Doboj 2 ; Lopare 2; Milići 2; Modriča 2; Osmaci 2; Srebrenica 3; Šekovići 2; Ugljevik 1;Vlasenica 2; Vukosavlje 2; Zvornik 3;

II. GRAĐEVINSKE PAKETE ZA GOSPODARSKE OBJEKTE (povratnicima):

1. Kao učešće u izgradnji gospodarskih objekata u pojedinačnoj vrijednosti do **5.000,00 KM** po jednom gospodarskom objektu u sljedećim općinama:

- a) za područje Tuzlanskog kantona 10 građevinskih paketa:** Banovići 1; Čelić 1; Gradačac 1; Kalesija 1; Kladanj 1; Lukavac 1; Sapna 1; Srebrenik 1; Teočak 1; Tuzla 1; i
b) za područje Republike Srpske 10 građevinskih paketa: Bijeljina 1; Bratunac 1; Lopare 1; Milići 1; Osmaci 1; Srebrenica 1; Šekovići 1; Vlasenica 1; Vukosavlje 1; Zvornik 1 ;

Prijavu na Javni poziv podnosi isključivo nosilac domaćinstva na kome se u službenoj evidenciji vodi nekretnina, osim u slučajevima kada je nosilac preminuo. U tom slučaju prijavu na Javni poziv može podnijeti jedan od punoljetnih članova domaćinstva.

Prijava se može podnijeti samo za jednu od predviđenih donacija građevinskih paketa u Javnom pozivu, uz obaveznu naznaku podnosioca prijave za koju se donaciju prijavljuje.

Za izbor korisnika donacije za dodjelu paketa građevinskog materijala primjenjivat će se opći i posebni kriteriji utvrđeni Pravilnikom o utvrđivanju uslova, kriterija i postupka za dodjelu donacija u građevinskom materijalu povratnicima, raseljenim licima i izbjeglicama Ministarstva za rad, socijalnu politiku i povratak broj 09/1-36-8224/12 od 04.05.2012. godine.

Uslovi i kriteriji za odabir korisnika za izgradnju i sanaciju stambenih jedinica

I. Opći kriteriji

1. Status potencijalnog korisnika pomoći - povratnik, raseljeno lice, izbjeglica

a) Povratnik u prijeratno prebivalište

Dokaz:

Potvrda nadležne službe u općini u koju se kandidat za donaciju vratio. U potvrdi mora biti naznačeno ime i prezime nosioca domaćinstva i članova njegove porodice koji su se vratili u prijeratno prebivalište. Potvrda ne smije biti starija od 30 dana od dana objavljivanja ovog poziva.

b) Raseljeno lice i namjera za dobrovoljni povratak

Dokazi:

1. Potvrda da nosilac domaćinstva i članovi njegove porodice imaju status raseljenog lica izdata od nadležne službe u općini u kojoj privremeno borave, koja ne smije biti starija od 30 dana od dana objavljivanja ovog poziva.

2. Original ili fotokopija prijave za dobrovoljni povratak.

Ukoliko kandidat za donaciju ne posjeduje prijavu, u tom slučaju prilaže izjavu o namjeri za dobrovoljni povratak, ovjerenu u općini privremenog boravka. Ovjerena izjava ne smije biti starija od 30 dana od dana objavljivanja ovog poziva.

c) Izbjeglo lice iz BiH i namjera za dobrovoljni povratak

Dokazi:

1. Potvrda ili uvjerenje o statusu izbjeglog lica iz BiH na ime vlasnika stambene jedinice. Potvrdu ili uvjerenje izdaje zemlja u kojoj privremeno boravi izbjeglo lice iz BiH.

2. Original ili ovjerenu fotokopiju prijave za dobrovoljni povratak. Ukoliko kandidat za donaciju ne posjeduje prijavu, u tom slučaju prilaže izjavu o namjeri za dobrovoljni

povratak, ovjerenu u zemlji privremenog boravka ili u općini povratka. Ovjerena izjava ne smije biti starija od 30 dana od dana objavljivanja ovog poziva.

2. Vlasništvo nad stambenom jedinicom za rekonstrukciju

Dokaz:

- ZK (zemljišno-knjižni) izvadak (ne stariji od 3. mjeseca) ili
- Posjedovni list na ime vlasnika stambene jedinice izdat od nadležnog općinskog organa prijeratnog mjesta prebivališta. Ukoliko je vlasnik stambene jedinice preminuo, prijavu na javni poziv može podnijeti punoljetni zakonski nasljednik. Kao dokaz prilaže izvod iz matične knjige umrlih za vlasnika stambene jedinice, te odluku nadležnog suda ili testament o nasljeđivanju stambene jedinice ili dijela stambene jedinice, odnosno saglasnost svih zakonskih nasljednika da podnosilac prijave može adaptirati predmetnu stambenu jedinicu. Posebno, u slučaju smrti vlasnika stambene jedinice, prijavu može podnijeti i sam supružnik uz posjedovni list na ime vlasnika stambene jedinice, smrtovnicu i vjenčani list. Posjedovni odnosno vlasnički list ne smije biti stariji od 3 mjeseca od dana objavljivanja ovog poziva.

3. Dokaz o prebivalištu

Dokaz:

Uvjerenje da je na dan 30.04.1991. godine imao prebivalište u stambenoj jedinici koja je predmet rekonstrukcije, izdato od nadležnog organa unutrašnjih poslova prijeratnog prebivališta.

Samo u izuzetnim slučajevima kada se u izdatom uvjerenju o prebivalištu ne može pouzdano utvrditi prebivalište na dan 30.04.1991. godine, kao dokaz priložit će se izjava dva svjedoka, ovjerena u mjestu povratka kod nadležnih općinskih organa kao i potvrda od Mjesne zajednice mjesta prebivališta na dan 30.04.1991. godine.

4. Izjava podnositelja prijave

- da nije primio pomoć za rekonstrukciju stambene jedinice dovoljnu da zadovolji odgovarajuće standarde o minimumu stambenih uslova. Izjava mora biti ovjerena u nadležnoj službi općine povratka (povratnici), a za raseljena lica u općini privremenog boravka ili kod notara. Ovjerena izjava ne smije biti starija od 30 dana od dana objavljivanja ovog poziva.

5. Izjava podnositelja prijave

- da kao korisnik/nositelj domaćinstva i članovi njegovog domaćinstva koji su prijavljeni za dobivanje pomoći nemaju na teritoriji BiH drugu stambenu jedinicu koja se smatra uvjetnom za stanovanje. Ovjerena izjava ne smije biti starija od 30 dana od dana objavljivanja ovog poziva. Izjava se ovjerava u nadležnoj općinskoj službi ili kod notara.

Opći kriteriji su eliminatorni i obavezujući za sve korisnike pomoći.

II. Posebni kriteriji

1. Porodice koje su se vratile u prijeratno prebivalište (socijalno stanodavanje u mjestu povratka, improvizovani objekti za privremeni smještaj, privatni smještaj, podrumi, šupe i slično)

Dokaz:

Potvrda iz tačke 1.a) Općih kriterija.

2. Raseljena lica koja privremeno borave na području Kantona i Republike Srpske:
- a) raseljena lica sa privremenim boravkom na području Kantona i Republike Srpske koja koriste bilo koji od vidova alternativnog smještaja
 - b) raseljena lica sa privremenim boravkom na području Kantona i Republike Srpske koja koriste smještaj u kolektivnim centrima

Dokaz:

Potvrda nadležne općinske službe privremenog boravka da raseljeno lice koristi alternativni ili kolektivni smještaj, koja ne smije biti starija od 30 dana od dana objavljivanja ovog poziva.

3. Broj članova domaćinstva

Dokazi:

a) Kućna lista.

Svi kandidati za donaciju u građevinskom materijalu prilažu ovjerenu kućnu listu, odnosno uvjerenje o zajedničkom domaćinstvu, ovjereno kod nadležne općinske službe. U kućnoj listi moraju biti navedena samo lica koja su se vratila u prijeratno prebivalište (povratnici) ili imaju namjeru za povratak (raseljena lica) koja čine zajedničko domaćinstvo kandidata za donaciju. Kućna lista ne smije biti starija od 30 dana od dana objavljivanja poziva za izgradnju i sanaciju stambenog objekta.

b) Punoljetne osobe

Sve punoljetne osobe prilažu kopiju CIPS-ove lične karte.

c) Djeca

Porodice koje imaju djecu predškolskog uzrasta prilažu izvod iz matične knjige rođenih, a za djecu školskog uzrasta potvrdu odgovarajuće škole ili kopiju školske knjižice za zadnju školsku godinu. Školska potvrda odnosno kopija knjižice ne smiju biti starije od 3 mjeseca od dana objavljivanja ovog poziva.

1. Porodični standard

Dokaz:

a) Za svakog člana porodice ako je zaposlen, penzioner ili ima primanja po bilo kom drugom osnovu potvrdu o ostvarenom primanju u protekla 3 mjeseca.

b) Za nezaposlene nosioce domaćinstva i punoljetne članove porodice dokaz od Službe za zapošljavanje o tome da je prijavljen na birou rada ili uvjerenje o prihodima iz nadležne poreske uprave. Dokaz ne smije biti stariji od 30 dana od dana objavljivanja ovog poziva.

c) Za članove porodice koji pohađaju osnovnu, srednju školu ili dodiplomski studij prilaže se dokaz osnovne ili srednje škole i fakulteta za zadnju školsku godinu. Dokaz ne smije biti stariji od 30 dana od dana objavljivanja ovog poziva.

d) za članove domaćinstva koji imaju primanja iz ranjivih kategorija dokaz o visini primanja – Rješenje kojim je utvrđena visina primanja (original ili ovjerena kopija)

2. Porodice povratnika iz ranjivih kategorija sa posebnim potrebama

a) Ratni vojni invalidi

Dokaz:

Potvrda nadležne općinske službe u čijoj se evidenciji vodi ratni vojni invalid koja sadrži stepen (procenat) invaliditeta i rješenje o stepenu invaliditeta. Potvrda ne smije biti starija od 30 dana od dana objavljivanja ovog poziva.

b) Šehidske porodice odnosno porodice poginulih boraca

Dokaz:

Potvrda nadležne općinske službe, odnosno Službe za boračku zaštitu ili legitimacija šehidske porodice odnosno porodice poginulog borca.

c) Porodice nestalih

Dokaz:

Potvrda nadležne općinske službe ili Komisije za traženje nestalih (državna ili entitetska komisija)

d) Bivši logoraši

Dokaz:

Za bivše logoraše fotokopija legitimacije- knjižice Udruženja logoraša ili Međunarodnog komiteta Crvenog krsta/križa.

e) Invalidna lica i distrofičari koji nemaju primanja po osnovu PIO/MIO

Dokaz:

Dokument nadležne općinske službe ili Rješenje Instituta za medicinsko vještačenje kojim kandidat za donaciju i član domaćinstva dokazuje zdravstveno stanje sa navedenim procentom onesposobljenosti i procjenom radne sposobnosti.

f) Samohrani roditelji

Dokaz:

Potvrda Centra za socijalni rad općine povratka (za povratnike) odnosno općine privremenog boravka (za raseljena lica). Dokaz ne smije biti stariji od 6 mjeseci od dana objavljivanja ovog poziva.

g) Demobilisani borci

Dokaz:

Potvrda ili uvjerenje o ratnom stažu izdata od nadležnog organa.

e) Stručni kadrovi (VSS- VII stepen)

Dokaz:

Potvrda da je kandidat za donaciju zaposlen u entitetu povratka ili izjava poslodavca o namjeri za prijem u radni odnos povratnika. Dokaz ne smije biti stariji od 6 mjeseci od dana objavljivanja ovog poziva.

Ispunjenje posebnih kriterija služi za odabir korisnika kao temelj za procjenu potreba potencijalnih korisnika pomoći po prioritetima.

III. Način bodovanja

| | |
|--|------------------|
| 1. Povratnik u prijeratno prebivalište | 30 bodova |
| 2. Raseljena lica | |
| a) Za raseljena lica koja koriste bilo koji vid alternativnog ili kolektivnog smještaja na području TK i RS | 20 bodova |
| b) Za raseljena lica koja borave na području TK i RS | 10 bodova |
| 3. Broj članova domaćinstva | |
| a) za svakog člana domaćinstva | 2 boda |
| b) djeca školskog i predškolskog uzrasta po djetetu | 1 bod |
| 4. Porodični standard | |
| • porodica bez prihoda | 20 bodova |
| • prihodi po članu domaćinstva 15 % ili ispod 15 % od prosjeka neto plaće u FBiH odnosno RS | 15 bodova |
| • prihodi po članu domaćinstva od 16 % - 35 % od prosjeka neto plaće u FBiH odnosno RS | 10 bodova |
| • prihodi po članu domaćinstva od 36 % - 50 % od prosjeka neto plaće u FBiH odnosno RS | 5 bodova |

- prihodi po članu domaćinstva iznad 50 % od prosjeka neto plaće u FBiH odnosno RS nema pravo na donaciju **0 bodova**

5. Ranjive kategorije

5.1. Boračka populacija

- ratni vojni invalidi sa preko 50% invaliditeta **15 bodova**
- ratni vojni invalidi do 50 % invaliditeta **10 bodova**
- šehidske porodice odnosno porodice poginulih boraca **15 bodova**
- porodice nestalih lica **10 bodova**
- porodica bivših logoraša **5 bodova**
- demobilisani borci **5 bodova**

5.2. Ostale kategorije

- invalidi **5 bodova**
- samohrani roditelji **5 bodova**

6. Stručni kadrovi (VSS – VII stepen)

10 bodova

Izbor korisnika za donaciju vršit će se na osnovu prikazanog bodovnog sistema u skladu sa općim i posebnim kriterijima utvrđenih Pravilnikom o utvrđivanju uslova, kriterija i postupka za dodjelu donacija u građevinskom materijalu povratnicima, raseljenim licima i izbjeglicama

Uslovi i kriteriji za odabir korisnika pomoći za izgradnju gospodarskih objekata

I Opći kriteriji

1. Status potencijalnog korisnika pomoći - povratnik,

Dokaz:

Potvrda nadležne službe u općini u koju se kandidat za donaciju vratio. U potvrdi mora biti naznačeno ime i prezime nosioca domaćinstva i članova njegove porodice koji su se vratili u prijeratno prebivalište kao i godina povratka. Potvrda ne smije biti starija od 30 dana od dana objavljivanja ovog poziva.

2. Vlasništvo nad zemljištem za izgradnju objekta

Dokaz:

- ZK (zemljišno-knjižni) izvadak (ne stariji od 3. mjeseca) ili
- Posjedovni list, izdat od nadležnog općinskog organa

Ukoliko je vlasnik zemljišta za izgradnju objekta preminuo, prijavu na javni poziv može podnijeti punoljetni zakonski nasljednik. Kao dokaz prilaže izvod iz matične knjige umrlih za vlasnike zemljišta, te odluku nadležnog suda ili testament o nasljeđivanju, odnosno saglasnost svih zakonskih nasljednika da podnosilac prijave može izgraditi gospodarski objekat. Posebno, u slučaju smrti vlasnika zemljišta za izgradnju objekta, prijavu može podnijeti i sam supružnik uz posjedovni list na ime vlasnika, smrtovnicu i vjenčani list. Posjedovni odnosno vlasnički list ne smije biti stariji od 3 mjeseca od dana objavljivanja ovog poziva.

3. Izjava podnosioca prijave

Da do sad nije primio pomoć za održiv povratak odnosno gospodarski objekat od resornog Ministarstva. Izjava mora biti ovjerena u nadležnoj službi općine povratka. Ovjerena izjava ne smije biti starija od 30 dana od dana objavljivanja ovog poziva.

Opći kriteriji su eliminatorni i obavezujući za sve korisnike pomoći.

II Posebni kriteriji

1. Godina povratka

Godina povratka porodice u prijeratno prebivalište.

DOKAZ:

Potvrda iz tačke 1. Općih kriterija.

2. Zajedničko domaćinstvo

Svi kandidati za donaciju građevinskog materijala za izgradnju gospodarskih objekata prilažu ovjerenu kućnu listu, odnosno uvjerenje o zajedničkom domaćinstvu, izdato od nadležne općinske službe u mjestu povratka.

U kućnoj listi moraju biti navedena samo lica koja su se vratila u prijeratno prebivalište (povratnici).

Sve punoljetne osobe prilažu kopiju CIPS-ove lične karte.

Kućna lista ne smije biti starija od 6 mjeseci od dana objavljivanja ovog poziva.

3. Porodični standard

DOKAZI:

1. Za svakog člana porodice ako je zaposlen, penzioner ili ima primanja po bilo kom drugom osnovu potvrdu o ostvarenom primanju u protekla 3 mjeseca.

2. Za nezaposlene nosioce domaćinstva i punoljetne članove porodice dokaz od Zavoda za zapošljavanje o tome da je prijavljen na birou rada u općini povratka, a za raseljena lica u općini privremenog boravka ili uvjerenje o prihodima iz PIO/MIO. Dokaz ne smije biti stariji od 30 dana od dana objavljivanja ovog poziva.

3. Za članove porodice koji pohađaju osnovnu, srednju školu ili dodiplomski studij prilaže se dokaz osnovne ili srednje škole odnosno fakulteta za zadnju školsku godinu.

4) za članove domaćinstva koji imaju primanja iz ranjivih kategorija dokaz o visini primanja.

4. Porodice povratnika iz ranjivih kategorija sa posebnim potrebama

a) Ratni vojni invalidi

Dokaz:

Potvrda nadležne općinske službe u čijoj se evidenciji vodi ratni vojni invalid koja sadrži stepen (procenat) invaliditeta i rješenje o stepenu invaliditeta. Potvrda ne smije biti starija od 30 dana od dana objavljivanja ovog poziva.

b) Šehidske porodice odnosno porodice poginulih boraca

Dokaz:

Potvrda nadležne općinske službe, odnosno Službe za boračku zaštitu ili legitimacija šehidske porodice odnosno porodice poginulog borca.

c) Porodice nestalih

Dokaz:

Potvrda nadležne općinske službe ili Komisije za traženje nestalih (državna ili entitetska komisija)

d) Bivši logoraši

Dokaz:

Za bivše logoraše fotokopija legitimacije- knjižice Udruženja logoraša ili Međunarodnog komiteta Crvenog krsta/križa.

e) Invalidna lica koji nemaju primanja po osnovu PIO/MIO

Dokaz:

Dokument nadležne općinske službe ili drugi važeći dokument kojim kandidat za donaciju i član domaćinstva dokazuje zdravstveno stanje sa navedenim procentom onesposobljenosti i procjenom radne sposobnosti.

f) Samohrani roditelji

Dokaz:

Potvrda Centra za socijalni rad općine povratka (za povratnike) odnosno općine privremenog boravka (za raseljena lica). Dokaz ne smije biti stariji od 6 mjeseci od dana objavljivanja ovog poziva.

g) Demobilisani borci

Dokaz:

Potvrda ili uvjerenje o ratnom stažu izdata od nadležne institucije.

Ispunjenje posebnih kriterija služi za odabir korisnika kao temelj za procjenu potreba potencijalnih korisnika pomoći po prioritetima.

III. Način bodovanja

1. Godine povratka

- ≤ 1 godine 1 bod
- $1 < \leq 2$ godine 2 boda
- $2 < \leq 3$ godine 3 bodova
- $3 < \leq 4$ godine 4 bodova
- > 4 godina 5 bodova

2. Broj članova domaćinstva

- za svakog člana domaćinstva 2 boda

3. Porodični standard

- porodica bez prihoda 20 bodova
- prihodi po članu domaćinstva 15 % ili ispod 15 % od prosjeka neto plaće u FBiH odnosno RS 15 bodova
- prihodi po članu domaćinstva od 16 % - 35 % od prosjeka neto plaće u FBiH odnosno RS 10 bodova
- prihodi po članu domaćinstva od 36 % - 50 % od prosjeka neto plaće u FBiH odnosno RS 5 bodova
- prihodi po članu domaćinstva iznad 50 % od prosjeka neto plaće u FBiH odnosno RS 0 bodova

4. Ranjive kategorije

4.1 boračka populacija

- ratni vojni invalidi preko 50% invaliditeta 15 bodova
- ratni vojni invalidi do 50 % invaliditeta 10 bodova
- šehidske porodice odnosno porodice poginulih boraca 15 bodova
- porodice nestalih lica 10 bodova
- porodica bivših logoraša 5 bodova
- demobilisani borci 5 bodova

4.2 ostale kategorije

- invalidi 5 bodova
- samohrani roditelji 5 bodova

Izbor kandidata za donaciju vršit će se na osnovu prikazanog bodovnog sistema u skladu sa općim i posebnim kriterijima.

Javni poziv ostaje otvoren 30 dana od dana objavljivanja u dnevnim novinama "Oslobođenje". Nepotpune i neblagovremene prijave neće se uzeti u razmatranje. Rezultati izbora korisnika kojima će se dodijeliti donacija po programu za 2012. godinu objavit će se u dnevnim novinama "Oslobođenje" i glasnim tablama pomenutih općina.

Prijave sa odgovarajućom dokumentacijom mogu podnijeti povratnici u prijeratno prebivalište, raseljena lica koja privremeno borave na području općina/opština Tuzlanskog kantona i Republike Srpske i izbjeglice iz BiH iz općina povratka neposredno ili poštom preporučenom pošiljkom na adresu: Ministarstvo za rad, socijalnu politiku i povratak Ul. Slatina 2., 75000 Tuzla (zgrada SODASO), sa naznakom "ZA JAVNI POZIV ZA DODJELU DONACIJA U GRAĐEVINSKOM MATERIJALU U 2012. GODINI". Sve informacije se mogu dobiti na kontakt telefon: 035/369-355 ili neposredno u prostorijama Ministarstva na 10. spratu.

NAPOMENA:

Prijavni obrasci i obrasci izjava se mogu preuzeti u prostorijama Ministarstva za rad, socijalnu politiku i povratak u Vladi Tuzlanskog kantona ili na internet stranici Vlade Tuzlanskog kantona http://vladatk.kim.ba/Vlada/Javni_Pozivi.htm

OSTALE ODREDBE

U slučaju nedostatka sredstava u Budžetu Tuzlanskog kantona obustavit će se realizacija dodjele sredstava u potpunosti ili djelimično, odnosno realizacija odobrenih sredstava vršit će se u skladu sa likvidnošću Budžeta Tuzlanskog kantona.

Prispjela dokumentacija neće se vraćati.

Sa podnosiocima prijava čije se prijave prihvate, Ministarstvo za rad, socijalnu politiku i povratak Vlade TK poptisuje Ugovor o dodjeli građevinskog materijala za sanaciju stambenog objekta, kojim će se definirati međusobna prava i obaveze ugovornih strana, te nadzor nad ugradnjom istog.

Zakon o raseljenim licima i povratnicima u Tuzlanski kanton i izbjeglicama iz Bosne i Hercegovine ("Službene novine Tuzlanskog kantona" br. 2/06 i 15/11)

Član 28. "Korisnici koji dobiju pomoć na osnovu netačnih podataka ili lažnih izjava, ili usmjere pomoć u nenamijenjene svrhe, obavezni su da Ministarstvu daju nadoknadu u iznosu pogrešno upotrijebljene ili pogrešno dodijeljene pomoći ili da vrate svu pomoć koju su dobili putem Ministarstva."

Član 32. "Novčanom kaznom od 500 do 1000 KM kaznit će se za prekršaj korisnik koji dobije pomoć na osnovu netačnih podataka ili lažnih izjava, ili usmjeri pomoć u nenamijenjene svrhe (član 28.)."

MINISTAR

Sead Hasić, dipl.scr